

DISSE^{10.}RTATIO;

De

ZOOPOÆDIA MORALI,

Quam

DIVINA FAUENTE GRATIA,

Consensu Ampliss. FACULT. PHILOSOPH.

In Regia ad Auram Academia,

& Auditorio Maximo,

SUB MODERAMINE

Viri Clarissimi,

DN. JOH. MUNSTER,

Philos. Pract. & Hist. Prof.

Discutiendam modeste sifit

S. R. M. Alumnus.

JOHANNES RYDBOHM,

Ostro-Gothus.

Ad diem 12 Septemb. Anno 1703.

Exc. Jo. WALL.

Jonas Edmani.

SACRÆ REGIÆ MAJESTATIS

Summæ Fidei Viro,

REVERENDISSIMO IN CHRISTO

PATRI ac DOMINO,

DN. HAQUINO

SPÆGLEÆ/

S. S. Theologiæ DOCTORI
Consummatissimo,

Inclytæ Dioecesios Lincopensis
EPISCOPO

Eminentissimo,

Venerandi Consistorii PRÆSIDI
Longè Celeberrimo,

Gymnasii & Scholarum ejusdem
Dioecesios EPHORO Gravissimo,

MÆCENATI & PROMOTORE Maximo,
submissa animi veneratione æter-
num colendo.

PACEM, FELICITATEM, ANNOS!

Astistis grandis, Lumen Præsesque
Sophorum,
Ost Gothicæ Præsul gentis &
alme Pater.
Quam subito trepidant jäm nunc mea cords
pavore!

Quam mea jam currit perpius ossa timor!
Cum fulgore Tuo frontem satagit decorare
Fœtus, quem profert nostra Thalia rudit;
Sed prompte reficit vires animumque ministrat
Militiae divæ principis aura sacra;
Qua SPÆGÆΣ Gothicum Sidus complectitur
omnes,

Qui cupida Phœbi dogmata mente colunt.
Accipe nunc igitur munus celeberrime DOCTOR,
Pectore quod calido Fennica Musa litat.
Meq; tuum servū & submissā mente clientem,
Digneris solito more beare Tuo:
Scilicet admotis manibus mihi subveniendo,
Quem paupertatis grande gravavit onus.
Elogiis celebrent meritis TE Vesper & Orcus,
Dum solitam fundit Phœbus ab axe comans;
Et demum cano multum venerabilis ævo,
Elysii nemoris rura beata colas!
Hasce pias voces fundam penetralibus imis,
Dum mea vitalis spiritus ossa fovet.

REVERENDISS: VESTRÆ PATERNITATIS

Cultor Devorissimus
J. R.

Adm. Reverendo & Amplissimo Domino,

D^N. M. OLAO LANGELIO:

Cathedralis Lincopensis & Eccles. quæ
ad S. Laurent. Ædem colligitur PASTORI
& ARCHI PRÆPOSITO longè meritissimo,
Consist. ADSESSORI Seniori gravissimo,
ut olim Præceptorí optimo, ita nunc
Promotori magno, quovis reveren-
tiæ cultu prosequendo

Nec non

Reliquis Consistorii prædicti ADSES-
SORIBUS æqvissimis, Clarissimis Gy-
mnasi LECTORIBUS singulis, Præce-
ptoribus & Promotoribus optimis, pia-
mente perpetuo venerandis,

PROSPERA QUÆVIS!

Serena fronte respicite, Adm. Reverende
& Clarissimi Domini, Promotores be-
nignissimi, exiguum hocce Specimen Academi-
cum, quod Vobis in devotæ obseruantiae & grati-
animis πεμψεον consecratum eupit, qui pro
Vestra incolumentate calidas fundere preces non
desinet, dum spirat.

Ampliss. Vestr. Nominum

Devotus cœlor

J. Rydbohm.

Ad Virum Juvenem

Virtutis & Eruditionis gloria Conspicuum,

DN. JOHANNEM RYD BOHM,

Alumnum Regium dignissimum,
Commilitem & amicum meum di-
lectum,

DE ZOOPOEDIA MORALI
doctè & nervosè differentem,,
Gratulatio :



vam tua promeruit virtus genero-
sa corollam,

In Sopbia studiis ingeniique
bonis,

Hoc mentis Specimen pretiosa laude coru-
scans

Musarum applausu, rite probare potest.
Macte ! Tuis studiis & sacris ausibus
ad sit

Inque usus patrios dirigat, ipse DEUS!

Subito quidem, affectu
tamen prolixiore
scripta

â

JOH. FLACHSENIO,
D. & Prof. Primario.

Kling-Dicht.

Görfländers Währ i Achi att caa förståndige håres;

Med Jid och Fliss än fort til Sommar'n
hårda uch/

At der på fölia må een ymnig Höst till Stiue
An mehra Priswärde åri dijt alla icke töres;
Fest mounen Wägar på/ deß Uppsåt doch
försöres.

Hår gälla måt ibland Pistoler/ Lood och Kruue;
Hoos Mars står altid bij/ Riid/ Biid/ Stik/
Hugg och Stiue,

Men uppå Pindi kline med tålige mod ale
göres.

Fördensfull åren I/ Her RYDBOHM myc-
kit säll/

Som fritig på Ehr Wacht haa stådt/ och noga
achteat

Ehr liuswe Ungdoms Währ; så Morgan sa-
sem Qväll

Qwad lärda Män haa lärde med alsware sina
betrachteat

Eet wackere Sommar Prof wiij nu der af
hår see;

En fruchtsam Höst hår på O Hinunel
wärdes gee!

Så önskar

N. V. M. D. & P.



A. 2.

C A P U T I.

De

P A R T E G E N E R A L I Z O O P Ä D I A E.

S. I.



um Summum Numen circa ipsa primordia rerum, totum hocce mundi systema, omnipotenti suo verbo creatum, Sole, Luna, Planetis, Stellis, quovisque genere arborum, herbarum & graminum, nec non animantibus cuiuslibet generis volatilium, gressilium atque natatilium, artificiosissime exornasset, etiam hominem, cui haec omnia inservirent, intra sextiduum, ineffabili sua bonitate condidit; eundemque omni genere virtutum, tam moralium, quam intellectualium, adeo condecoravit, ut ipsam DEI imaginem haud obscure exprimeret. Verum hisce non contentus homo, sed majora affectando, semet ipsum immortalitatis, sapientiae & sanctitatis tunica

A

ipo-

spoliavit, imo virtutum omnium complexu atque tota sua concreata perfectione, adeo misere se privavit, ut exigua tantum vestigia remanserint; quorum ulteriori culturæ, post illam nunquam tatis deplorandam metamorphosin, à solidæ eruditionis viris, adhibita sunt certa quædam præcepta scitu maxime necessaria, quæ, uno verbo, Philosophiæ Moralis nomine veniunt. Cujus considerationem verbo tantum aggrediendi, depræhendimus illam ipsam, instar uberrimi fontis in varios rivulos abeuntis, tantæ amplitudinis esse, ut compræhendat sub se Moralia non tantum Oeconomicæ: utpote qua ratione dominus & familia est regenda, insuper etiam quomodo Maritus & Uxor in castitate atque timore Domini vitam degentes, liberos suos quovis exercitio pietatis instituendos curare debent, & porro, quomodo liberi tenentur, quavis pietate filiali suos prosequi parentes: sed & Politica, quomodo Reges & summi Imperantes, publicam salutem quærere debent,

bent, & subditi iterum suo Magistratui debita solvere, & eorum summa animi veneratione, memores esse, atque ubi- vis locorum ipsis quævis fausta adpre- cari: imo Historica, perplurima enim, tam Virtutum, quam vitiorum exempla Historici proferunt: nec non cognitio- nem & cultum Divinum naturalem con- cernentia Moralia, intra complexum su- um continet Philosophia Moralis, utpo- te: DEUM esse colendum &c. præter in- numera alia, quibus recensendis, nec tem- pus, nec charta, nec tenuitas virium mearum sufficerent, nec instituti ratio requirit, idcirco illa ipsa consultius silen- tio involvenda duco.

§. 2. Disciplina hæc intra suos can- cellos insignem amplitudinem, respectu Materiæ circa quattuor, comprehendit, & ratione Formæ tractandi, docendi & discendi Moralia, non simplicem, sed multiplices variosque admittit modos, utpote 1. Gnomologicum, intellectum, de vita bene instituenda, gravissimis im- buentem sententiis; 2. Apodicticum, qui

con-

consistit in demonstrando quid sit re-
ctum, quidque absonum ac dictamini
rectæ rationis contrarium 3. Paræneti-
cum sive Præceptivum, qui egregiis ad-
monitionibus & adhortationibus volun-
tatem & appetitum, ad ea, quæ honesta
sunt, excitat & affuefacit. Et 4. Mo-
dum Paradigmaticum, cujus usus in eo
consistit, ut mortales aliorum egregiis
exemplis excitentur, ad facienda illa,
quæ honestati & rectæ rationi maxime
sunt congruentia, ea autem, quæ virtuti
disconveniunt, instar veneni fugienda.

§. 3. Insignem vim, & admirandum,
ne dicam, prorsus Divinum robur, exem-
plis inesse, animos mortalium commo-
vendi ad ea, quæ honesta, atque Legi
tam Divinæ quam humanæ maxime
convenientia sunt, sectanda, nec non ex-
ecranda sceleratissimorum hominum fa-
cinora, vel fugienda, vel amplectenda,
cuivis, rectâ ratione prædicto, etiam me-
racente, obvium est. Quotidiana quip-
pe experientia satis superque docet, at-
que inculcat, illos, qui cum bonis ver-
san-

santur, eorum piis colloquiis, honestis
moribus, & integra vita, varios atque
insignes variarum virtutum profectus
facere: alios autem qui pravorum utun-
tur consortio, non posse non pestifera
eorum contagione deteriores evadere,
juxta egregium illud Siracidis effatum:
cap. 13. 1. *Qui attingit picem, se inde pollu-
tum reddit, & qui versatur cum superbis,
superbiā dicit.* Ea quoque de causa,
DEUS populum suum peculium, seve-
rissime prohibitum voluit, fœdus pan-
gere cum Philisteis, atque habitationem
illis intra pomeria sua concedere, ne il-
lorum execrandis exemplis ad immolan-
dum Idolis commoverentur; atque sic
verum DEUM, rerum omnium Archi-
tectum offenderent. *Exod. 23. v. 31.* Quo
etiam Salvator noster, tanto feliciori
cum successu, auditores suos commo-
veret, eorumque animis præcepta æter-
næ beatitudinis consequendæ instillaret,
semper fere usus est, modo Paradigma-
tico; quo etiam illi, licet alias duræ cer-
vicias atque cordis incircumcisi essent,
ita

ita afficiebantur, ut illius audiendi gratia, ex uno loco in alterum confluerent. Exemplorum vim & admirandam efficaciam stimulandi animos mortalium tatis declaravit Julius Cæsar, qui animadversa apud Herculis templum Alexandri Magni imagine, atque in memoriam revocatis heroicis ipsius facinoribus, quibus totum fere orbem sibi subjecerat, uberrimas effundebat lacrymas, *Sueton.*
I. I. Perplurima quidem exemplorum vim declarantia possent afferri, quæ tam brevitati studentes præterimus; Hoc tantum addimus, quod Reges & Magnates, suis exemplis mirum in modum ingenia inferiorum perstringere, & ad bona & mala stimulare, possint. Adeo ut, non raro ad ingenium & mores Regis sui omnes subditi sese accommodent, quo nihil frequentius apud populum Israëliticum, sacræ Pandectæ luculentissime expandunt: ut merito locus hic videatur vulgari proverbio:

Regis ad exemplum totus componitur orbis.

§. 4.

§. 4. Breviter jam vi & efficacia
 exemplorum, languido licet stilo, adum-
 brata, dicimus exempla virtutum & vi-
 torum, tam à rebus inanimatis, quam
 animatis, hisque, tam ratione carenti-
 bus, quam præditis, desumi posse. Esse
 enim mundum hunc instar magni libri,
 in quo rerum omnium Conditoris, tum
 singularem potentiam, tum inauditam
 sapientiam, providam curam, atque in-
 exhaustam bonitatem cuilibet, quantum-
 vis agresti homini atque inerudito, non
 modo legere liceat, sed etiam ejus le-
 ctione, in omni virtutum genere insti-
 tui, plerique sapientum existimarunt.
 Quod etiam ita verum evadit, ut nulla
 adeo despicata atque vilis existat crea-
 tura, quæ si penitus inspiciatur, non
 aliquam vitæ recte pieque instituen-
 dæ ac transigendæ tradat disciplinam.
 Utpote minimum gramen, singularem
 DEI providentiam rerum omnium incul-
 car, quod licet vestitus & nutrimenti sui
 respectu nihil quærat, sufficienter tamen
 Suum Numen eadem suppeditat. Quod
 cum

cum homo contemplatur, inde discat, spem suam in DEUM collocare, & neutriquam terrena hæcce tam solicite curare. De Gregorio quodam, cognomento Theologo, memorie proditum accepimus, quod sollicitus fuerit, ex re qualibet, moratæ vitæ documenta elicere, atque singula, quæ tum audiret, tum videret ipse, ad morum informandorum disciplinam convertere. Atque ratio hæc pervenienti in cognitionem omnipotentiæ, sapientiæ, & bonitatis Summi Numinis, continuaque ipsius retinendi memoriam, longe est utilissima, & multo facilima, unde tam Pandectæ Sacrae, quam Sancti Patres, eandem tanto studio tradidere. Nam vere & singulari cum fructu DEUM memoria retinet, qui ita eum in operibus suis ubique præsentem contemplatur, atque intuitu eorum virtutem imprimis colendam, vitium autem summopere fugiendum edidicit.

§. 5. Hinc resultat jam modus tractandi moralia, sive stricte Exemplaris,
ex

ex hominum egregiis moribus imitandis, nec non detestandis eorum facinoribus, in exilium relegandis, desumptus, utpote Ethicis usu receptus; sive Hieroglyphicus, quarumcunq; rerum in mundo existentium, non solum animatarum, verum etiam inanimatarum. Qui modus apud quasdam gentes adeo usitatus fuerat, ut totam suam Philosophiam & Theologiam, per certa animantia, characteres & signa, ex rebus, vel animatis, vel inanimatis expresserint. Ut porè, Fortitudinis mentionem facturi, pingebant anteriora leonis, effigiem vesparum, quæ pugnant in hostem; item Adamantem, vel Tigrim, fluviorum rapidissimum. Timiditatem, autem, ipsis denotabant lepus, cuniculus, crocodilus & cameleon. Temperantiam adumbraturi, lumbos præcinctos, cingulum & Zonam, cubitumque cum træno apposuere; vel salicem, cuius materia est apta vinculis, atq; adeo est coercitionis indicium. Abstinentiæ signum ipsis erat Camelus. Sobrietatis Symbolum fuit Amethystus.

Intemperantiam dissuasuri lucernam ardentem delinearunt. Faces & ignis furere nota Cupidinis, & ebrietatis panthera, quæ vini admodum est avida. Prudentiam denotaturi, serpentem pinxere. Homo concordens equum ferocissimum, Icarus & Phaëton, illis erat hieroglyphicum imprudentiæ. Par ratione Justitiam inculcando, præter alia signa, statuas Magistratum Thebanorum, quæ sedentes sine manibus, oculis clausis effingebantur, item libram seu bilancem apposuerunt. Injuriam autem nemini inferendam intellectum volebant per effigiem Acantis, atque sic in cæteris. Datur quoque modus Mythologicus, sive ex brutis singulariter petitus, quo, ut taceam alios, usus est Æsopus, in virtutes & vitia mortalium, sub variis apologorum involucris detegendo. Utpote, sedulitatem amplectendam adhortaturus, mentionem fecit formicæ & cicadæ, nec non rustici moribundi, filios suos advocantis monentisque defossum thesaurum diligenter inquirere.

In-

Injustæ, autem, divitiarum acquisitionis ac possessionis incommodum expreflurus, narravit quomodo anteres & grues uno in prato palcebantur. Adveniente vero aucupe, grues sua levitate adjuti, facile avolarunt, anteres autem sua gravitate impediti, ab aucupe comprehensi fuere. Atque hos modos tractandi Moralia, ex brutis singulariter petitos, nos Zoopædiam Moram, stricte sic dictam, præcipue vocamus. Et licet neminem, qui prioribus saltem labris aliquem Græcæ linguæ ceperat gustum, latere queat, quid vocabulum Zoopædiæ importat: placet tamen unico verbo, ad consuetudinem receptam, heic loci natales ipsius indicare: dicendo, vocem hanc compositam atq; derivatam esse à ζῶν, quod significat animal seu vivens, quasi à ζωὴ vita, idque à ζέω vivo, revivisco, & παιδείᾳ institutione, quod à παιδεύω, erudio, doceo, castigo, them. παις. Atque conflata sic vox Zoopædiæ, vi etymologiæ, institutionem ab animantibus sumtam, significat.

§. 6. Superiori §. 4. dictum quidem est, singularem quandam doctrinam moralē haurire posse mortales à singulis rebus, sive simplices, sive mixtæ, animatæ vel inanimatæ illæ sint; earum tamen si instituatur **comparatio**, facile constabit, quod reliquis multo majori nos imbuant informatione ipsa bruta. Etenim ab illis, documenta tantum, per accommodacionem quandam, vel factam proportione quadam applicationem, deduci atque derivari possunt: ab his vero, quæ sensibus tam internis, quam externis prædictis sunt, dicitur disciplina morum, non solum per hanc accommodationem, sed etiam ex eo, quod ab iis exercetur. Quamquam id fatendum est, ab animantibus brutis peti doctrinam morum, & vitæ humanæ præcepta, non tantum ab iis, quæ vere obeunt ipsa; sed etiam per accommodationem & applicationem. E.g. ex eo, quod struio camelus dicatur ferrum devorare, eoque nutriti, *Aelian.* L. 24. cap 7. docemur, dura atque adverba quælibet pati, eaque in usus nostros, ali-

men-

mentumque spirituale & virtutum accessionem convertere. At doctrina ista non sumitur ex eo, quod strutiocamelus id faciat ipse, quod docet; neque enim is dici potest adversa æquo animo ferre, sed sumitur ex quadam similitudine ejus quod facit, applicatio, ad id quod fuit docendum. Nam sicut se habet ferrum ad strutiocamelum, sic se habet adversitas ad hominem. Quemadmodum igitur ille, ut dicunt, ferro pascitur; ita & hominem convenit, tanquam ferro, rebus adversis pashi, & neutiquam illis deficere.

§. 7. Licet cuivis sanæ mentis, qui saltem leviter rem perpendit, luce meridiana clarius & notius sit, quid per animantia bruta, à quibus tam varia arque egregia vitæ morumque documenta derivari possunt, intelligendum veniat: placet tamen hac occasione mentem nostram aperire, dicendo: nos per illa intelligere non tantum animantia pura, ut sunt columba, turtur, ovis, agnus, hædus, vitulus, vacca & taurus, qui in

Vet.

Vet. Testamento, vi mandati Summi Numinis, in sacrificiis offerebantur: nec solum domestica & mansueta, ut gallina, canis, asinus & equus: neque sylvestria, ut alauda, lucinia, vulpes & leo, &c, Sed unico verbo, sub nomine brutorum, omnia animantia, tam volatilia, quam gressilia, reptilia & natatilia, comprehendenda atque intelligenda esse dicimus.

§. 8. Consideratio horum, non modo singulari quadam animos mortaliū perfundit voluptate, verum etiam varias atque insignes, generi humano, per totum vitæ curriculum, præstat utilitates. Primo, enim, hominem, in cognitionem inexhaustæ sapientiæ, omnipotentiæ, atque infinitæ bonitatis ipsius DEI dicit, qui tot genera animantium, tam diversa magnitudine ac forma, tamque subtili atque admirabili organorum nexu & dispositione fabricatus est, tamque diversam illis indidit naturam. Deinde, docet Zoopædia parentibus incumbere, liberos suos maximo amplecti amore, atque a primo limine vitæ, magna

gna solicitaque cura enutrire & educare, statimque, annis crescentibus, vera ac non fucata pietate, omnis sapientiae ac felicitatis fundamento, illos imbuere, atque artibus liberalibus, quibus olim vietum & amictum sibi honeste comparare queant, informandos, curare. Porro, liberos teneri, eodem modo, parentes summa animi veneratione amplecti, obedientiam ipsis praestare, eos per totum vitae spatium, praeципue senio contextos, fovere, atque omni pietate filiali prosequi, tandemque vita beate defunctos, honeste humo mandare, inculcat. Præterea, in vita communi, quid homo homini, Imperans subdito, & subditus Magistratui, praestare debet; imo, quomodo maritus & uxor, conjugium suum caste, & ab omnibus illicitæ veneris & stupri stimulis, impollutum servare, seque invicem mutuis sinceræ amicitiae osculis excipere, atque polygamiam fugere, haud obscure adumbrat. Denique, quomodo mortales, instar veneni, voluptates & onus re-

Hiquorum omnium gravissimorum Icele-
rum scaturiginem profundissimam, ex-
treme aversari debent, atque effusis ad
sidera, ex intimo cordis affectu, calidissi-
mis precibus & votis, operi suo diligenter
incumbere, sua sorte contenti, piam
agere vitam, telisque adversæ fortunæ
insilientibus, ad Summum Numen, ut
liberi, paternæ protectionis favore con-
fisi, in sinum carissimi genitoris prope-
rare, finitoque vitæ termino, voluntate
Divina contenti, hilariter animam Crea-
tori commendare, docet. Præter mul-
tos alios usus, quibus enumerandis, nec
tempus, nec charta sufficeret, sed nec
humeri mei tanto oneri pares sunt, quos
proinde consultius silentio prætereun-
dos existimo.

§. 9. Et quemadmodum hæc do-
ctrina, in maximam sapientiæ, omnipo-
tentiaæ, atque bonitatis Divinæ admi-
rationem sibi addictos rapit, & mira ani-
mos eorum afficit voluptate, eisque in-
numeras exhibet utilitates; ita quoque
illam, tam Scriptoribus prophanis, quam

Sa-

Sacro Codici maxime familiarem esse
deprehendimus. Illi, enim, virtutes &
mores egregios, cuivis mortalium val-
de necessarios & sumtnopere imitandos,
nec non execranda facinora extreme fu-
gienda, non modo historicè & expressis
verbis, sed etiam per involucra fabula-
rum, quasi in tabula pinxere, quod mul-
tis verbis per facile esset probatu: quo
tamen heic loci supersedemus, ad Pan-
dectas Sacras properantes. Hæ etiam
non uno in loco, sed passim, homines ad
bruta alegant, ut ab illis præcepta mo-
ralitatis discant. Ut pote Prov. cap. 6 v. 6.
*Vade ad formicam, O piger! Et considera vias
eius, Et disce sapientiam eius, que sine exa-
ctore præstat sedulitatem.* Simili modo in-
nuere vult Spir. Sanctus, nobis eundum
esse ad apiculam, & animadvertisendum,
quanta industria mellificium exerceat, &
ad milvum, qui in cœlo cognovit tem-
pus adventus sui. Et per Esajam c. 1. v. 3.
inquit Dominus: *Agnoscet bos possessorem
suum Et asinus præsepe Domini sui: Israel
non agnoscit, populus meus non animadverit.*

Et causa quare Sp. Sanctus, tum ad formicam, segnitiei deditos, tum incuriosos atque futurorum improvidos Judæos ad milvum, turturem, bovem, & quæ sunt cætera, amandat, est, ut eos sui ipsorum pudeat, cum advertant se se animantibus istis diligentia, labore, & futurarum rerum præscientia, inferiores existere. Et ad hortandum sane, si Quintiliano fidem habebimus, præcipue valent imparia, quatenus conficiuntur argumenta à minori ad majus, uti hic deducuntur exempla & similitudines à brutis, & ad homines accommodantur. Nam si ea, quibus rationis usus est denegatus, juste, fortiter, temperanter & provide aliquid agunt, vel saltem schemata quædam harum aliarumq; virtutum ostendunt, quam indignum erit, qui ratione præditus, & quidem ad imaginem DEI conditus est, injustum, timidum, intemperantem, improvidum, atque negligentiam, pulvinari ipsius diaboli, consecratum esse.

§. 10. Antequam, autem, in spatio-
 sissimum Disputationis nostræ, vel po-
 tius substratae materiæ, campum, pe-
 dem ulterius promovemus, ab institu-
 to alienum non videtur, verbo tantum,
 indigitare ipsam Zoopædiæ Metho-
 dum. Quam, premendo vestigia Do-
 etorum, duplicem esse deprehendi-
 mus: alteram Physicam, qua bruta cer-
 tis distinguntur classibus, alteram
 Ethicam sive Moralem. Priorem a-
 liis colendam relinquimus, atque po-
 steriorem facimus nost. am: non ta-
 men per locos communes eundo, ut qui-
 dam usi fuere, sed secundum ordi-
 nem virtutum Moralium, quæ apud
 Ethicos solidæ eruditionis, communi-
 ter usu venire solent. Pro exiguis vi-
 tribus, operam sumus adhibituri in
 proferendis exemplis, & monitis qui-
 buscumque, præcipue vero Ethicis,
 Politicis & Oeconomicis, ad informa-
 tionem generis humani ex considere-
 ratione brutorum, desumtis.

CAPUT II.

De

PARTE SPECIALI ZOOPÆDIÆ.
MORALIS.

§. I.

uemadmodum totum hoc vastum Moralitatis Oceanum, cui nos committere cœpimus, plurimorum vorticum adeo plenum esse invenimus; ut illis circumventi, quo pedem figamus, vix sciamus, ne Charybdin vitando, incidamus in Scyllam; ita non minimum nobis facessit negotii, ingens illa laboris moles, quæ circa ipsum discursus nostri limen, in parte hac speciali occurrit, quam primum judicium tenuitatis ingenii nostri intendimus ad considerationem controversiarum, quas, tam de virtutum, iisque oppositorum vitiorum numero, quā ordine, inter se leviter fovent Moralistæ. Inter alios, ē castris veterum Menedemus Eretriensis & Aristo Chius, unam tan-

tum

tum faciebant virtutem, quæ, vel nomine, vel objectis solum differret, ut testatur Plutarchus. Eandem opinionem ibidem Zenoni Cittico & Chrysippo tribuit, sed error hic pridē profligatus est. Plato & Aristoteles, quanquam copulatas uno quasi vinculo inter se virtutes esse statuant, plures tamen faciunt. Doctores Scholastici vulgo ex D. Ambrosio & aliis Patribus, quatuor adferunt virtutes Cardinales : Temperantiam scil. Justitiam, Prudentiam & Fortitudinem. E foro quoque modernorum Ethicorum, quidam faciunt divisionem virtutum Moralium, secundū quatuor classes, hac ratione. Quod nimirū, aliæ 1. versentur circa corpus hominis, ut Fortitudo & Temperantia. Aliæ 2. circa ejus bona vel mala externa, utpote circa pecunias, Liberalitas & Magnificentia : circa honores, Magnanimitas & Modestia : circa Iram, ut Mansuetudo. Aliæ 3. circa conversationem, ut Humanitas, Veritas, Urbanitas. 4. Circa Con-

tractus, ut Justitia. Alii porro alia incedunt via, distinguendo virtutes in Morales, Homileticas, Imperfetas & Intellectuales. Nec tamen hi de numero & ordine convenient. Quidam enim faciunt septem virtutes Morales, alii quinque tantu. Præterea etiam Justitiam nonnulli virtutibus Homeliticis annumerant, & quidem in ultimo loco collocant, alii autem inter Cardinales, illam, Fortitudini præponunt. Nonnulli Pietatem, vel tanquam quendam affectum modo, vel tanquam virtutem Theologicam, e numero virtutum Moraliu. prorsus excludendam volunt. Alii vero inter virtutes morales, primu. merito locum eidem assignandum, firmis adstruunt argumentis. Has à memet jam obtulò stilo indigitatas, præter multas alias circa divisionē & numerum virtutū, controversias, quas, mihi libris necessariis destituto, non licuit videre, tenuitatis virium mearum satis conscius, non afflamo conciliandas, sed aliis maturiori ingenio, easdem discutiendas relinquo. Ordinem vero quod attinet, ductu virorū insi-

in signis doctrinæ, arbitrarium esse putamus. Quare ab instituto nostro alienum non videtur, si primum stilum ad virtutem Intellectualem, deinde Moralium, & denique ad Homileticarum delineationem, in quantum illarum vestigia in brutis reperiuntur, simpliciter fleatamus.

§. 2. Hisce præmissis, ad virtutes Intellectuales, juxta promissum, nos statim accingamus, ostendendo earundem cum primis umbram, qua artem & prudentiam, in animantibus brutis, non obscure notari. Quod satis inter alia, ex hirundine in construendo nido suo, probari potest. Quippe collectis stramentis, si lutum non invenit, ubi nidum extruere vult, ad aquas advolat, sumitates alarum humectat, posteaque in tenuissimo pulvere se volat, atque hoc paeto luti usum sibi comparat. *Plin. L. 10. c. 33.* Deinde stramenta luto isti humido conjungit, & quidem ita implicat, ut faciunt, qui parietes ex lapidibus, cum admixto luto exstruunt. Admodum caute fundamentum ponit ex solidis & firmis, ut ita dicam, stramen-

mentis, & postea leviora admiscet. Figuram operi suo non angularem, vel anfractibus plenam, sed globosam & æquabilem fingit: quia hæc capacior est, fortiusq; violentiæ insidiantium resistit. Nec minori architecturæ industria pollent Apes, quæ hic illic circuvolitant, & ex præstantissimis pratorum floribus, optimum quodque colligunt. *Arist. 9. c. 40. Plin. lib. 11. c. 11.* Deinde apiarium obducunt cera, quæ pars est instar tecti, atque huic operi, duriori utuntur materia. Sub tecto faciunt cellulas hexangulares, non angulo sed lateri aptantes, quod plurimum facit ad firmitatem. Et Regum suorum, quos sic vocare placet, cellas, eminentiori loco ædificant, amplioresque faciunt. Circa has proxime sunt illarum, quæ sunt seniores, ut sint veluti consiliarii & satellites eorum, quos, ut dictum, Regum colunt loco. Extimum locum occupant juniores & ætate firmiores. Et artificiosam Aranearum texturam, quis mirari & satis rimari possit? Etenim in illa apparent centrum quod-

quoddam & certi circuli, hæc ratione diversi, quod viciniores sint magis contracti, remotiores a. ampliores. Repositorym quoque seu cubile sibi faciunt, in quo delitescunt, ne à muscis complicantur, in quod etiam captas muscas portant ac condunt, donec fames ipsas urgere incipiat. Et quem mortaliū in maximam non rapiat admirationem insignis illa prudentia, vel ejus umbra, qua pollet Formica, non tantum in exstruendis sibi diverticulis, verum etiam in observandis temporibus colligendi victum. Tempore enim messis, vitæ necessaria in hyemem sibi comparant, quasi præviderent, tempore brumali in agris vacuis frustra pabulum quæri. Quod optime etiam accommodari potest ad tempestivam atque diligentem investigationem eorum, quæ usui vitæ spiritualis maxime inserviunt. Hæc vita est ætas & messis, quâ homini, inter quaslibet tentationes & calamitates, patienti animo laborandum est; & extrema dies, multis futura est

hyems rigida, si neglexerint fidei ac dilectionis horreum, unde vivere & compensationem licuit sperare. Qui horum tempestive memor non fuerit, ingruente hyeme, caligines mentis, nubes timoris, tempestates, & gelu rigidissimum judicii, expectare cogatur. Prudentiam Serpentis satis innuit atque commendat ipse Salvator, dicendo: *Estate prudentes ut Serpentes;* qui, urgentibus periculis, caput, primariam sui partem, quantum queunt, abscondunt. Insignem quoque prudentiam naturalem, vel si mavis calliditatem quandam, circa vitum sibi comparandum, ostendit vulpes, dum Echinos, quos nullo robore capere valet, arte vel astutia superat, efficiendo ut supini procidant, quo facto ventrem eorum petit. Ad hæc quoque cum videret prætervolantes aves, gravi urgente fame, nec tamen commode alias sibi cibum acquirere potest, mortuam se singit (ut dicitur) atque sic illas allicit, quas dein arreptas, devorat.

§. 3, Admiranda sane in brutis, non modo
pru-

prudentiæ, sed & qualiscunq; ingenii, do-
 cilitatis, sagacitatis, solertiae, mansuetu-
 dinis, castimoniæ, cæterarumq;, tum vir-
 tutum, tum vitiorum simulacula eminere,
 cuivis sanæ mentis obvium est: quibus
 nonnulli adeo sunt cofnoti, ut cancellos
 veritatis longe transgressi fuerint, at-
 tribuendo brutis rationem ceu principi-
 um actionum suarum, imo jus natu-
 rale hominibus cofmune. Atq; fallam hanc
 opinionem fuisse, tam prioris, quam
 hujus ævi, non paucos deprehendimus.
 E foro Antiquorum, qui bruta, rationis
 capacia faciunt, eminent Anaxagoras,
 Plato, Pythagoras, & Sextus Empiricus,
 cujus verba ita sonant: *Nullum animal est
 expers rationis, sed omnia sunt intelligentia et
 scientia capacia.* Et è castris Recentiorū,
 qui pro hac sententia militant, sunt
 Guil. Alvernum Episcopus Parisiensis, nec
 non Hieronymus Rorarius, qui bruta non
 modo non rationis expertia, verum ec-
 iam eâdem, melius quam homines, uti,
 non veritus est affirmare. Hoc ipsum
 quoque præsupponere videtur apud Ju-
 ris-

risconsultos notissima Juris definitio: *Jus naturale est, quod natura omnia animalia docuit.* Atque hinc descendere maris & fœminæ conjunctionem, procreationem liberorum, eorumque educationem, quæ omnia etiam in brutis observare licet. Sed respondemus primum, ad sententiam eorum, qui directe brutis rationem assignant, atque hoc modo unum tantum genus animalium quasi consti-
tuunt, dicendo: egregia quidem virtutum & vitiorum in illis reperiri ve-
stigia; magnam tamen dari differentiam, inter hominem & bruta, siquidem ille, præteritum & futurum tempus cum præsenti, optimè sciat componere, hæc autem in præsens, naturali duntaxat im-
pelluntur impetu. Et licet prorsus in-
ficias ire nequeamus, quædam anima-
lia, paululum etiam persentiscere præ-
teritum & futurum, sit illud ipsum ab
his non aliquo λόγισμῳ, sed solo naturæ
instinctu. Nam rationis proprium est,
non tam affectus suos temperare, atque
actiones suas quibuslibet modis per-

agere ac variare, quam illas intelligere; cogitoscere & judicare; quod frustra quis a brutis expectet, quamvis alias solerter satis, & sane maxima admiratione dignum ordinem in operationibus suis adhibeant. Verum semper singula, eodem agunt modo, ut natura ferruntur, unde aranea rexit, formica micas & grana colligit, accipiter semper gallinam pullosque ejus inhiat, quodque non facit unum individuum, sed singula. Suas etiam habent voces inarticulatas, quibus dignoscuntur, unde latrat canis, ululat lupus, cantat gallus, mugit bos &c. adeo ut, si quis bene cognitam unius individui habeat vocem, optime totius speciei agnoscere queat. Ex paucissimis hisce aliquomodo constare autumo, falsitatem supranominatae sententiae, siquidem tam Sacris Literis, quam rectae rationi ea contrarieatur. Et profecto nec firmiori veritatis tali nituntur reliqua, ab aliter sentientibus afferri solita. Cum jus naturale proprie sic dictum, sit dictamen rectar-

rationis, sed in brutis nulla datur ratio; ut antea innuebamus, ergo nec rectitudine rationis, & per consequens nullum jus. Et in quos non cadit injuria, ipsis nec jus competere potest: jam a prudenteribus dilecte negatur brutis aliquam injuriam imputari posse, quod sensu i.e. ratione careant. Porro, nulla libertas moraliter agendi est in brutis, ut in homine: Et si hoc jam verum est, sequitur necessario, nulla ratione obligari posse bruta, cum tamen ad jus naturae & honestatem, omnes homines sint obligati, ut juris proprie dicti vocabulum, sine obligatione, ne quidem intelligi queat. Hinc ergo constat, quod non nisi improprie brutis virtutes & via, praemium vel poena attribui possint. Dici itaque abusive tantum poterit Ius naturale brutis esse cum homine commune, non quod jus ipsum reperiatur in illis, sed quia ea, quae speciem solum recti habent, dum faciunt bruta, quando ab homine sciente & volente fiunt, ex jure Naturae facta esse dicuntur. Ita
bru-

bruta per inclinationem naturalem tu-
 entur se contra vim, alunt & protegunt
 lobolem, & similia præstant, quæ etsi in
 ipsis rationem juris & justitiæ non ha-
 bent, justa tamen sunt, cum homo ea
 facit. Quod quoque comprobat Hugo
 Grot. dicendo: *Quando brutis justitia tri-
 buitur, sit impropiè ex quadam in ipsis um-
 brâ rationis atque vestigio.* Verum, hisce
 objici solent quædam loca in Textu Sacro
 occurentia, quæ brutis & jus & injuri-
 am tribuere videntur. Ut pote *Gen. 9. v. 5.*
*Sanguinem vestrum de animabus vestris re-
 quiram, à manu nullius non animalis.* Dein-
 de occidi jubetur jumentum, cum quo
 quispiam homo concubuerit *Levit. 20. 15. 16.*
 Ulterius bos cornupeta, qui hominē oc-
 ciderit lapidari jubetur *Ex 21. 28.* Similiter
 sancitur, si quis offenderit nidum avium,
 ne matrem accipiat cum pullis, sed pullos
 tantum, matre libera demissa. Interdi-
 citur porro ne quis aret simul asino &
 bove. *Deut. 22. 6 & v. 10.* Et Plinius, sup-
 plicia, inquit, annua canes pendunt scil.
 apud Romanos inter ædem juventatis &
 tum.

summani, vivi in furcas Sambucea ar-
 bore fixi: Ideo nempe, quod ab his
 Galli non animadversi essent, sed ante-
 rum clangore ac strepitu M. Manlius
 cum suis militibus demum esset excita-
 tus. Præter multa alia exempla & te-
 stimonia, quæ afferri possent, quibus
 tamen tempore exclusi, supersedemus,
 & paucissimis tantum ad prolata respon-
 debimus. 1. quod attinet, de sanguine
 humano à bestiis requirendo, dicimus
 diversas quidem Hebræorum ea de re
 esse sententias, quarum hæc vetustissi-
 ma receptissimaque est: Denotari cæ-
 dem humanam à bruto, ab aliquo ho-
 mine, instigato, factam. Dum scil. non
 solum vindictam sumpturum DEUM
 de cæde ab homine patrata, sed & quæ
 fit à bestia ab homine incitata. Com-
 probat hoc ipsum eorum opinio, qui
 memorant, tantam fuisse impietatem ho-
 minum ante diluvium, ut nocentissimas
 nutriverint bestias, quo earum ministe-
 rio commodius dominarentur. 2. quod
 attinet nefarium illum cum bestia con-

cubitum, in tanti facinoris abominationem bruta cum homine comburi aut lapidari jubentur, non quod illa proprie peccassent, ac veram pœnam luerent: homines enim, qui ex commisso scelere reatum contraxerunt, lege interdum sic puniuntur, ut sæpe res etiam aliæ, sive animatæ, sive inanimatæ, in loco sceleris commissi, repertæ, ex eadem lege cum hominibus sint comburendæ, ne memoria tam nefandæ rei refricetur. Sic Achan *Josu.* 7. 25. propter peccatum suum, non modo cum filiis & aeniis ac boibus, sed tentorio quoque & omnibus quæ ei erant, comburebatur. Nec dispar ratio, cur bos cornupera, qui hominem occidisset, lapidandus esset: non ob jus aliquod violatum; sed partim ut eo magis constaret non leve esse peccatum homicidium, cum sanguis hominis etiam à bruto repetatur, partim etiam ut dominus in sua re punietur, quod negligentius illam custodivisset. Ea de causa quoque eius carnis ejus prorsus interdictus fuit, ne aliquo modo in com-

modum heri cederet. De pullis autem cum matre non auferendis, & asino bovi non jungendo; ideo præceptum esse dicunt Auctores; dum ab iis, quæ speciem crudelitatis tantum & injuriæ habent, abstinerent, eo fortius à vera crudelitate & injuria proximo inferenda, retraherentur. Nec fuit supplicium propriæ dictum, quod de canibus sumptum narrat Plinius. Sed veluti anseribus ementitius aliquis honos olim fuit habitus; ita canes supplicia quædam impropriè dicta subierunt, ut luculentius custodiæ & beneficiorum erga Rem publicam præmia, tum ignaviæ locordiæque poena, velut in schemate, quotannis civibus repræsentarentur.

§. 4. Breviter sic hinc tactis, atque pro ingenii nostri tenuitate discussis, pedem nunc promovemus ad ulterius delineandas virtutum species, eo quo cœpimus modo; illarum princeps quasi & caput Pietas constituitur à plerisque. Illam autem inculcant respectu ipsius laudis divinæ, omnes in tota rerum na-

tura existentes creaturæ, sive sint animatæ, sive inanimatæ, ut supra quoque dictum est. Specialiori tamen modo id præstant bruta, & quidem omnes aves, præsertim Alauda & Luscinia, quæ nihil magis obiter facere videntur, quam pabulum disquirere, nihilque majori studio, quam in aëre Summo Numini suavæ canere hymnos. Inde discant homines non terrenorum insatiabili desiderio sese macerare, sed multo majori Zelo cœlestium, ceu præstantissimorum curam agere, quo arctius suo Creatori sese agglutinent, eique sine intermissione canant. Porro respectu obedientiæ supremo Numini præstandæ, egregium præbet exemplum Canis, qui in venationibus, ut & aliàs, à cursu incepto, levi sono facilimè revocatur: Item oves, quæ etiam levi pastoris strepitu, seu qualicunque sonitu, de quo antea edoctæ, summa cum celeritate, unum in locū congregantur. Quam quoque non fucatæ venerationis amore DEUS sit amplectendus, etiam eo videtur ostendere Canis, quod

sem.

semper herum suum comitetur, odore illum investiget, vocem ejus agnoscat, ipsius mortuum corpus interduin non defterat, homicidam morsu & latratu prodat, & pro Domino contra facinorosos homines atque latrones ferocissime pugnet. Hujus rei egregium refert exemplum Plutarchus, de Rege Pyrrho, qui in ita nere invenit canem, qui per integrum triduum Domini sui imperfecti cadaver custodierat, & per totum hoc spatum famem tulerat, posteaque in lustratione exercitus Pyrrhi, auctorem eadis mordieus apprehendit, qui tormentis subiectus, cædem fuit confessus.

§. 5 Accedimus jarr. ordine ad Fortitudinem, cuius vestigia etiam in multis animantibus brutis inveniuntur, quorum in numero est Aquila, quæ tanta est fortitudine animi, ut cervos vastitate corporis satis insignes aggredi audeat, eosque non nisi superatos dimittat. Plin. L. 10.
 c. 4. fortitudinis atque roboris Elephanti mentionem non facio, neque Leonis, cum ipsa insecta etiam hanc virtutem adumbrant, utpote Apes, quod Historici variis ex-

exemplis probatum eunt; & inter alia
 quomodo Dux quidam Regis Lusita-
 niæ A. Christi 1513 apud oppidum Xia-
 rimente in Mauritania obsessus fuit; &
 non potuit aliter saluti suæ consulere,
 quam projectis apum alvearibus in ho-
 stes. Quo facto, in furorem ab apibus ex-
 citati sunt equi, unde hostes oppugnatio-
 nem deserere cogebantur. *Franz. part. 5. c. 2.*
 Eodem modo ab obsidione liberatus est
 Dux quidam Imperatoris Henrici, à Du-
 ce quodam Lotharingiæ, præter multos
 alios, ut scriptores testantur. Fortitu-
 dinem Vesparum experientia docet esse
 tantam, ut neminem admittant ad domos
 suas, sed acerrime pugnant pro illis, nec
 cessent nisi penitus extinguantur. Irri-
 tatae mira pertinaciâ circumstrepunt, fœ-
 tus suos defensuræ. Inde mortales di-
 scant acerrima subire certamina pro ve-
 ra religione, & libertate patriæ, nec non
 carissimis suis pignoribus defendendis.
 Et quemadmodum hæc, ut taceam alia
 bruta, insigne ipsius fortitudinis exem-
 plum fuere; ita nonnulla ingenium ho-

mi-

minum in nimiam audaciam inclinatum, haud obscure adumbrant. Quorum in numero deprehendimus Gallum gallinaceum, qui licet adversario suo prorsus sit impar, hoc tamen non considerat, sed viribus nimis confilis, admodum temere illum aggreditur, a quo tandem magno cum dedecore illi est fugiendum. Timiditatem autem quandoque exprimunt Canes, qui quidem vehementer interdum latrant, aggredi vero non audent. Item Crocodilus, qui licet vastitate corporis, unguium atque dentium immanitate, nec non tanta duritie cutis in tergo, ut durissimorum ictus lapidum prorsus eludat, sit armatus, & valde horribilis appareat, natura tamen adeo timidus est, ut fugientes tantum persequatur, in sequentes vero fugiat. Huc quoque trahi possunt, quae pertinere videntur ad Patientiam, quam inculcant varia animantia, utpote Elephanti, qui ne ad graves quidem ictus excandescunt. Satis etiam nota est ovis patientia, quam & Sacrae literae summis effe runt encomiis. Et canis domesticus quam-

quamvis ab hero atque domesticis cæda-
tur, & insigniter vapulet; eos tamen sæ-
pius ne allatret quidem, multo minus
mortu sese vindicare nititur; sed demissio
capite gravissima excipit verbera. As-
nus, mulus, elephas & camelus, nobis
imponentibus, pro lubitu nostro onera
in se suscipiunt, ad nutum nostrum pro-
cedunt, impositam molem bajulant, ni-
hil oneris discutiunt, pro imperio nostro
gradum fistunt, paleas loco pabuli non
respuunt, imo quævis fere dura, sine signi-
ficatione impatientiæ, devorant. Quanto
igitur plus deceat hominem rationis
compotem pudore suffundi, si non ærum-
nas & calamitates, à Summo Numinetan-
quam à carissimo patre immislas, pati-
enter & æquo animo ferat. Verum si-
cut experientia nonnunquam contrari-
um probat, quod equus, calcaribus inci-
tatus ad iram, mordeat frænum; plurimi
sic hominum, frænum Legem tam Divi-
nam quam humanam pati nolunt, ju-
gum suscipere detrectant, onera in haç
mortalitate occurrentia portare renunt,

& instar indomiti equi rectorem excusare satagunt.

§. 6. Paucissimis, ad Fortitudinem quæ spectant, in medium prolati, properamus ad Temperantiam, sine qua fortitudo propemodum existere nequit. Anima quippe deliciis & voluptatibus corporis immersa, stulta & insipiens evadit, atque ex homine belluam facit. Hanc igitur insignem virtutem, mortalibus summo nisu amplectendam esse, varia inculcant bruta, veluti Gustus respectu Accipitres, qui si justo plus comedant, evadunt pigri, si parum nimis, debiles fiunt, ut diu vivere nequeant. Et Elephanti, si plus justo devorarunt, inedia fese macerant, ut semper sint apti ad fugam, vel repentinias pugnas. *Franz. part. 2. c. 12.*
 Extrema virtutis Temperantiae, tam in defectu, quam excessu, vitæ hominis respectu, maximè esse nociva, ex supra alatis patet exemplis. Saluti corporis idcirco consulendum docet Anser, qui folia lauri nunquam attingere dicitur, si vel fame ipsi moriendum esset,

qua-

quasi sciret naturæ suæ (calidæ) adver-
 sari *Ælian.* lib. 5. c. 29. Quia in re homi-
 nes longe superat, qui quidem optime
 sciunt, caliditate vini inflamari membra
 interna, internumque calorem conlumi,
 frigiditatem, tandemque ipsam mortem
 induci: immoderatum tamen vini usum
 non fugiunt. Sobrietati, adhuc, generi
 humano maxime studendum esse, vivis
 quasi coloribus depingit *Camelus*, qui tri-
 duo sicut tolerat, ut *Plin.* l. 8. c. 18. tradit. Nam
 quantum incommodi secum fert ebrie-
 tas sive ebriositas, inculcare putatur Par-
 dus, qui licet alias sagax & astutum, a-
 nimosum & audax sit animal, facilimè
 tamen vino inebriatum, opprimitur.
 Quantumvis, ut & id hic notemus; brutis
 plerumque universis id videtur commu-
 ne, ut non plus bibant, quam naturæ con-
 gruat, neque ullis minis, vel verberibus
 adigi possint, ut eam mensuram exce-
 dant. Temperantiam etiam, respectu
 ipsius Tæctus, mortalibus studiose colen-
 dam adumbrant, perplurima brutorum,
 quibus solenne est, statum generationis

tempus servare, quo elapso, desinunt generationi vacare, cum non tam voluptatem, quam prolem, quererere videantur. Taceo Elephantos, qui dicuntur non coire cum alienis, neque cum suis admodum lascivè, sed adeo modestè prolis causa, ut ne quidem cæteris spectantibus, sed in secessu aut occulto quodam loco, neque prius ad gregem recedere, nisi lavaverint se. *Elian. lib. 8. c. 17.* Castitatem & mutuum amorē conjugalem nobis ante oculos sistunt columbae, quem, etsi quotidiana experientia confirmat esse insignem, scriptores tamen non pauci eundem quoque commemo- rant, quos inter Plinius *Lib. 10. c. 34.* scite ut solet, hunc in modum scribit: *Pudicitia illis prima est, & neutri nota adulteria. Conjugii fidem non violant, communemque servant dominum. Nisi cælebs aut vidua, nidum non relinquunt.* Quod in Conjugii exemplum trahit Propert: *Lib. 2. Eleg. 12.* ejusmodi verbis:

*Exempli juncte tibi sint in amore columbae.
Masculus & totum fœmina conjugium.
Ejus-*

Ejusmodi haud contemnendam castitatis speciem, non tantum inter se custodiunt Ciconiae, verum etiam homines adulteros, summo prosequuntur odio. Refert Aelianus lib. 8. c. 20. De quadam adultera, que rem habuit cum servo in absentia mariti. Itaque irruit Ciconia in ingratam fœminam, oculosque ipsi effodit, ut ita vindicaret injuriam absenti Domino illatam. Libidines autem voluptatesq; corporis, quanto cuivis sint incommodo, satis docent sua pernicie Sargus & Scarus, quorum alter capras, alter fœminas, bestiali & insano prosequitur amore. Uterque enim umbris harum in mari conspectis, magno numero adnatant, & retibus includuntur, Aelian. l. 1. c. 23. & l. 1. c. 2. Vitandos ulterius esse illicitos amores, ut & Polygamiam, adumbrant quidem supra allata in apricum exempla, præcipue illud à Turture desumptū, quæ etiam uni tantum nubere dicitur; hunc autem, amissa sua conjuge, non ducere aliā, sed solum incedere, imo versari in locis solitariis, hominumque commercia fugere, valde miserè gemere, aquam, quam

quam est bibiturus, prius turbare pedibus, nunquam descendere in agros vel hortos, nisi fames vehementer urget, & statim postea inde reverti, constans opinio est. Hinc factum est, quod olim, in nuptiis, Neonymphis, turturum concordiam sint precati.

§. 7. Sequitur jam ordine inter virtutes morales, ipsa Liberalitas, quam nobis commendat Aquila, quæ nunquam fere suam prædam, nisi admodum famelica sit, totam, sola devorat, sed cæteris volucribus, tanquam sodalibus, partem quandam relinquit, sua tamen prius accepta portione. In Gallo autem gallinaceo hujus virtutis imago magis radiat, quippe qui, quam primum grana quædam frumenti ipsi objecta fuerint, vel quæcunque alia ab ipso inventa, statim gallinas ad se convocat, ut una secum comedant. Prodigalitatem etiam vitandam esse inculcat Sciurus. Pari quoque ratione avaritiam, ceu oppositum Liberalitatis, & velut omnium malorum radicem, extremè odio habendam esse,

rite adumbrant pisces, qui finibus suis
contenti, in aquis læti commorantur.
Quin imo divitias, hominibus, non raro
magis nocere, quam prodesse, discimus
a Cervis, quorum cornua ipsis interdum,
non tantum oneri, sed maximo sunt im-
pedimento. Avaros etiam plurimum fal-
lere se met ipsos, docet Hirudo sive sanguisuga,
quæ cum summo nisu, summaq; avidi-
tate venas aliorum animalium cunctas red-
dere moliatur exsangues, suspensa crepat
ac disrumpitur. Ita quoq; homines avari,
multis, summa aviditate corrasis, subito
sæpe inter medios sudores exspirant, ne-
que aliquem laborem suorum sentiunt
fructum, ipsimet, nec legitimi hæredes
illorum. Nam verum esse quod dici
suevit: *Male parta male dilabuntur*, testatur
Perdix, quæ licet singulari calliditate aliis
avibus ova subtrahat, eaque excludat &
foveat: pulli tamen agnoscentes illam non
esse matrem nativam, recedunt, & ubi-
cunq; vocem illius audiverint, ex qua ge-
niti sunt, statim illi sese associant. Quā pro-
prietatē quicq; annotavit, & ad iusta lu-
cra

cra applicavit Spir. Sanctus, ejusmodi
verbis, *Jer. 17. 11.* *Perdix* (quæ) colligit sed non
peperit, (est) faciens dixit, sed non cum
judicio: (nam) in medio dierum suorum de-
seret illas. Ita quoque homines avari, qui
injustis titulis magnas cumularunt opes,
de illis neutiqua gaudebunt, multo minus
eorundem hæredes, ut proverbium habet:

Demale quæsis non gaudet tertius bæres.

§. 8. Devolvitur jam ordo ad ipsam
Modestiam, cuius tanta est vis, ut omnium
in se ora convertat, & ad honestissima in-
super existat incentivum. Sumopere itaque
est commendanda, atque mortalibus cunctis
amplectenda. Excessum autem ejus, ex-
crandanempe ambitionem & superbiam,
variorum vitiorum genetricem, instar ve-
neni fugiendam quodammodo adumbrare
videtur Pavo, cuius pulchritudo licet sic
inimitabilis ob gemmeos colores pen-
narum, quas soli adverso expandere solet,
præsertim per ridentia prata incedens:
pedibus tamen subito inspectis, statim ani-
mū quasi suum dejicit, & circulū pennarū,
ut dicitur, contrahit. Quod considerare de-
bent

bent homines superbia elati. Nam licet interdum videantur sibi habere aliquid, unde exultent: tamen si paulo penitus suam originem inspexerint, quod ex terra desumpti sint, eidemque tandem reddendi sint, & per totam vitam fatis mortalitatis obnoxii, tenentur inflatos spiritus comprimere, atque tunicam humilitatis induere.

§. 9. Modestiam, in ordine virtutum excipit Mansuetudo, quam hominibus colendam, suis laudent exemplis, non modo bruta Mansuetudinis nomine insignita, verum etiam ferocissimæ bestiæ, ut Leo, Tiger, Aspis &c. quorum clementiam & mansuetudinem admirabilem, ne dicam prorsus incredibilem, apud scriptores deprehendimus. Clementiam exercent Elephanti non tantum erga cætera animalia, & quidem minus valida, sed etiam erga homines in speluncis & sylvis errantes. Plin. l. 8. c. 5. Imo erga facinorosos, quos illis objicere solent conculcandos. Quod tamen Elephanti non facile exequuntur, nisi viro obruti fuerint. Rex enim

enim Bochus, sacerdos in triginta viros, eosdem tot Elephantis stipitibus aliquatos proposuit, sed Elephanti nolebant associare se illis, a quibus exagitabantur, ut satisfacerent laetitia Regis. Quod porro mansuetudinis colenda magister videatur esse Elephas, id ulterius probatur, referente Philostrato, lib. 2. c. 5. *Semel ipsum vidisse vastissimum quendam Elephantum, cui insidebat puer 13 annorum, qui hanc bestiam parvo bacillo ducebat, quo cunq; vellet.* Prætereo Leonem, qui dicitur parcere infantibus, usque, qui supplices procedunt, neminemque laedere, nisi extrema urgente fame, aut cum ab aliis laesus fuerit, ut habet versiculus vulg.

Parcere subjectis scit nobilis ira leonum.
 Leones ita mansuetfecit Antonius, ut currum traherent. *Plin. l. 8. c. 16.* Hanno Cartaginensis, eosdem Leones, ad tantam mansuetudinem adegit, ut loco asinorum farcinas portarent; & quod magis admiratione dignum videtur, illos adeo mansuetos reddidit Antonius Caracalla, ut etiam osculis ipsum incolumem exciperent,

rent, labiaque ipsius lamberent, sub prandio circa mensam in scaenis federent,
 & instar domestici catuli tempore nocturno, una cum ipso, in lecto dormirent.
 Et Aspis, ut Scriptores tradunt, quamvis admodum sit perniciosa, tamen apud
 Ægyptios ita cicurari solet, ut appellata
 a pueris, ex caveis prodeat atq[ue] accedat
 ad mensas, ubi ponunt ipsi vinum, & mel-
 litas aliquas particulas, quibus vescitur.
 Et tempore nocturno, etiam in tenebris
 cum surgunt domestici, digitis crepant,
 quo serpentes audit, mox secedunt, ne
 concilcentur. Adeo nulla fere bellua tam
 ferox & horribilis existit, quæ non ali-
 quo modo institui, atque beneficiis de-
 inulceri queat. Valde itaque detestandū
 est, hominem suos affectus, quos cum
 bestiis habet communes, modestia non
 velle domare, eisque frænum injicere.
 Nam quid incommodi secum affert im-
 moderata ira & propria vindicta, docent
 Apes, quæ, si ferientem sele referiunt,
 aculeoque pungunt, aculei sui vulneri
 immori dicuntur, Nec magis proficua

videtur nimia lenitudo & indulgentia, quod vel ex Glauco probari potest, qui tam immodicè suos amat fœtus, ut horrore vel metu alicujus periculi imminentis percussus, omnes in ore receptos devoret: *Ælian. L. 1. c. 16.* Quod est imago parentum illorum, qui adeo ardent immodico amore liberorum, ut nec verbibus, nec verbis, eosdem castigare sustineant. Unde sequi necesse est nimis laxam disciplinam, & mores minus probatos, liberorumque tandem æternum exitium.

§. 10. Hæc tenus occupati fuimus in delineandis virtutibus circa affectus; sequuntur jam illæ, quæ dirigunt conversationem, consideratam, vel ratione jucunditatis, vel veritatis seu reticentiae, atque insigniuntur hæc nomine virtutum Homileticarum. Quibus ceu pulcherri mis flosculis humana coronatur societas, quarumque usu & fructu vita hæcce caduca destitui nequit. Statim itaque sine ambagibus, ad Humanitatis sive Urbanitatis delineationem, stilum vertimus.

Hanc

Hanc virtutem quodammodo repræsentat canis, qui admodum affabilem sese gerit, cum herus, vel domestici, eum alloquuntur. Perpauci vero hominum, vestigia ejus premunt; quidam enim adulatio[n]i se tradunt, alii vero admodum morosos sese præbent. Illorum ingenium haud obscure exprimunt, felis, Psittacus & Simius, qui non habent rationem hominis, sed sine judicio atque respectu personarum, locorum & temporū, quosdam æmulantur gestus; ita adulatores, cum non possunt prodesse consilio, student imitari magnorum virorum πάρεργα non ἔργα, qua tamen ratione, suam tantum produnt ignorantiam & insignem stultitiam. Et quemadmodum Simiæ non reperiuntur apud homines infimæ fortis, sed apud Magnates & Principes, quos quoque interdum lœdunt: ita quoque adulatores gaudent aulicis proximi esse, quorum in gratiam loquuntur, & aliis struunt insidias, atque suos cultores non raro decipiunt, & in magna mala conjiciunt; cuius rei exempla nimis

mis multa suppeditat lectio historica. Indolem autem morositatis mancipiorum admodum rite exprimunt Rhinoceros, Apes & vespæ, ut taceam alia, quæ nullo modo mitigantur, quamvis quispiam omnem adhibere velit operam.

§. II. Pedem ulterius promovemus ad ipsam Veritatem, sine qua societas humana persistere nequit, atque illam summopere esse fovendam innuere videntur Iæpius nominatæ Apes, quæ nihil fucatum & unguentis odoribusque delibutum, non summo habent odio. Per plurimi tamen mortalium, hujus oppositum fœdissimum, mentiendi vitium, ambabus, ut dici suevit, amplectuntur manibus. Quorum ingenium egregie indigitat Talpa, quæ solem plurimum odit ac fugit, nec nisi ad horam unam vel alteram potest degere super terram. Quod genuina cœcitatis ac falsitatis imago est, quod nequeat solis, vel veritatis, radios sustinere, sed semper sub terra, & in obscuro degat. Nam sicuti tenebræ discutiuntur à sole ; ita mendacium à veritate in

in exilium relegatur. Consortium quoque hypocritarum ubique esse fugendum, utpote hominibus probis & simplicibus valde nocivum, discimus, vel a Polypo, qui saxum in mari natus, eidem adhaeret firmiter, ejusque colorem induit, qualis qualis sit. Quo fit, ut piscium complures ad ipsum improviso natantes, tanquam ad saxum appellant, quos illico arreptos, devorat. Haud lecus vitanda est societas perfidorum hominum, quippe qui, alios candidæ animæ, suis lenociniis, cito fallere queunt. Quorum naturam, scorpius admodum scite declarat, qui prius capite blandire fertur, quo postmodum citius ac commodius lædat. Quo etiam serpentis antiqui calliditatem innuit, qui mortalibus objecta admodum grata objicit, quo tanto facilius eosdem in suam trahat nastram.

§. 12. Porro ad ipsam Taciturnitatem devolvimur, qui non minus quam cæteræ virtutes in Sacris Literis & apud prophanos Scriptores lumenopere laudatur, maximæque in vita humana est nec-

cessitatis. Hanc nobis maximè commen-
datam faciunt Grues, quæ dicuntur, quan-
do ex Cicilia devolant, & monti Tauro
appropinquant, quo in loco per plurimæ
inveniuntur aquilæ, lapillos in ora recipe-
re, ut hoc modo sibi ipsimet quasi silentiū
imperent, ne in ungues aquilarum in-
cidant. *Franz. part. I. c. 6.* Et licet tacere ju-
sto tempore & loco egregia sit virtus, vi-
tium tamen non exiguum est, semper &
continuo silere, & non justo itidem tem-
pore & loco sensa animi modeste profer-
re, & ad quæ sita non apposite respondere.
Et quemadmodum hi tacendo plurimū
peccant; ita non pauci sua loquacitate &
garrulitate delinquunt. Eorum indolem
egregie depingunt Picæ, Ranæ, Cicadæ
& similia, quæ nunquam tacere sciunt,
sed sua garrulitate, otii amores intestant.
Fugienda itaque est garrulitas, cum scđū
illud vitium homini non raro maximo sit
incommodo, quod discimus à Graculis, gar-
rulati valde deditis, quæ ipsis etiā quam
sæpiissimè exitialis est.

§. 13. Breviter sic consignatis virtutibus, quæ dirigunt actiones nostras in ordine ad nosmetiplos, sequitur jam Justitia, quæ nostras actiones ad alios componit, dissipatos homines congregat, congregatos servat; quæque adeo necessaria est, ut sine illa, nulla Respublica esse possit salva, nec latronum aut furum cohors aggredi quidpiam aut efficere possit, nisi ipsimet, sui consortii respectu, hanc, vel umbram ejus foveant. Illam autem qualitercunque generi humano delineant Leones, qui in copiosissima multitudine rite observant, à quibus vulnerantur, & si non possunt evadere, irruunt tantum in illos, eosque solos prosternunt. *Plin.*
l. 8. c. 6. Et si non vulnerantur, sed solummodo infestantur, telaque aberrant, non prosternunt, nec ungue lacerant, multo minus dilaniant, sed leviter solum percutiunt & terrent. Hujus virtutis etiam studiosissimæ sunt Formicæ, quippe quæ vacuæ, obviam eunt ferentibus onera, nihil ab illis petunt, nec vi auferunt, sed quælibet, & sibi, & utilitati publicæ colligere

gere studet. Justitiam adhuc amplectendam, personarumque acceptionem fugiendam, tacite quasi monent illa bruta, quæ sui generis amantes, quasi^{libet} suæ speciei, pari prosequuntur benevolentia amorisque signis, neque majores inter & paucillas, pulchras & deformes, ullum faciunt discrimen. Quod & parentes discant licet à Cornicibus, quæ amore in filios feruntur æquali. Etiam furta esse vitanda, discant male morati ex Elephante, qui, ut refert Plutarchus de quodam in Syria, cui servus seu gubernator pro integræ hordei mensura, semper dimidiatam offerebat, præsente jam Domino, cum servus se^rvector Elephanti mensuram integrum & plenam ipsi apposuisset, proboscide sua dimidiatam partem segregavit, atque hac ratione, insipienti hero furtum servi pulchre patefecit.

§. 14. Tandem accedimus ad Gratitudinem, Veritatis & Justitiae sobolem, ut quidam illam dicere amant. Quasi duo priores gratitudinis actus, nempe beneficium agnoscere & prædicare, ad Veritatem pertinerent, ultimus, vero, beneficium

cium scil. retribuere, ad Justitiam spe-
 taret. Et sane hac virtute nihil frequen-
 tius occurrit in actionibus brutorū, nota-
 tim in Cane, Pardo, Lupo, Ciconia, &c.
 Mentionē facit Aelianus *tib. 6. c. 2.* de Par-
 do quodam, qui à teneris cum hædo con-
 fueverat: tandem hædum à Domino de-
 industria seu sponte dilaniatum, Pardocę
 devorandū fuisse appositū, qui tamen ab
 hoc suo contubernali prorsus abstinuit.
 Longè ergo deteriores sunt homines, qui
 non raro fraternæ charitatis plane i ме-
 mores, suos necessarios atq; consanguini-
 neos, quibuslibet modis excruciatos, qua-
 si devorant. Refert porro Aelianus *l. 8. c. 22.*
De vidua quadam Tarentina, que, estivo tem-
 pore, cum pulli Ciconiarum maturius evolassent,
 atque unus eorum infirmior delapsus fuisset,
 atque erus suum fregisset, sanavit illa eundem.
 Sequenti anno cum illa ipsa vidua in avrico loco
 sedebat solis caprandi gratia, dimisi sese eadens
 Ciconia humili volatu ad mulcerem, Ex un-
 guibus lapillum quendam pretiosum in genu e-
 jus misit, posteaque in seicto consedit, quo indi-

caret se cundem esse, quem preterlapsu anno sa-
naverat, cumque agnovit, visa ipsius cicatrice.
Adeo etiam bruta rationis expertia be-
neficiorum memoriam tenent. Quam i-
taque execrandum est, homines ratione
præditos, & quidem ad imaginem DEI
conditos, ejusmodi bestiis esse inferiores!
Nihilominus tamen complures vicio hu-
ic mancipati inveniuntur: quorum ima-
go est Cuculus, qui matrem suam, ut vo-
lunt, Cucurram, à quâ excluditur atque
fovetur, juxta sententiam Veterum, avi-
de impieque devorat.

§. 15. Antequam scriptionis nostræ
filum abrumpimus, ultimo jam loco sub-
jungere placet, Amicitiam, virtutis effe-
ctum, & societatis humanæ vinculum, per
quod non tantū Respublica ædificatur, sed
res privatæ maxime crescunt: & ad bene
beateque vivendum ac virtuose agendū,
plurimum affert momenti. Illam proin-
de sumo nisu colendam, varia obliq̄ quasi
suadent animantia, non modo, quod il-
lam inter se, sed etiam cum hominibus.

in-

Ineant, utpote Elephanti, Dracones, Delphini, &c. Commemorat Plotarchus de quodam Elephante, qui Alexandriæ pulcherrimam quandam fœminam singulari amplexus fuit amore, eique inter prætereundum poma attulit, juxta illam parumper commoratus est, proboscidemque corpori ejus blande admovit; præter multa alia hujusmodi exempla, quæ nobis suppeditat diligens lectio historiarum. Et licet Draco sit animal admodum horribile, notat tamen Ælianus lib. 6. c. 63. in Arcadia quendam fuisse inventum, qui vehementer armabat puerum, & cum parentes exitium filii ab hoc consortio nasciturum metuebant, Draconem in sylvam ablegarunt; accidit autem forte fortuna, ut puer adultior factus iter faceret, & incideret in latrones, valdeque acclamaret: bestia igitur utpote quæ acutissimo pollet visu & auditu, vocem pueri agnovit, ipsum liberavit, liberatumque domum reduxit. Quam itaque auditu indignum est, conterraneos, imo fratres,

tres, non modo nullum præstare auxiliū, urgente necessitate, verum insuper
damnum inferre, semetipſos invicem lædere, gravissimaque pericula quibuslibet
modis augere. Quam ardentissimo quoque amore parentes debent amplecti li-
beros suos, inculcant omnia fere bruta, imo stupidissima. Nam quid Asino stu-
pidius? tœtus tamen suos adeo vehemen-
ter amat, ut per aquas & ignem ad eos
currat, eosque contra pericula defendat,
quantum valet. Amorem Gallinæ in suos
pullos non memoro, siquidem non mo-
do quotidiana experientia confirmet i-
psiis solitudinem esse insignem, verum
etiam Sacræ Pandectæ, eandem summis
efferant encomiis. Quanta etiam cura
ac solitudine ulterius educandi atque
instituendi sunt liberi, qualiter cunque ad-
umbrare videtur Aquila, pullos suos,
quam primum volare didicerunt, expel-
lens, atque in altum extollens, ut adver-
ſos folis radios intueri affuescant: Plin.
L. 10. c. 3. Hirundo, læpius nominata, ma-
tu-

ture etiam assuetacit pullos ad inquirendum cibum. Ita quoque a primis quasi unguiculis, vel ad scholam, vel ad alia artificia manuaria, ducendi sunt liberi, ut discant, quo successu temporis sibi honeste victum & amictum comparare queant. Et quemadmodum parentes, tantam curam & solicitudinem debent filiis suis bene educandis recteque instituendis; ita quoque filiorum esse, parentes summa animi veneratione, omniique pietate filiali ubivis locorum prosequi, vivis quasi coloribus delineant Ciconiae, quae maxima cura fovent suos parentes senio confeitos, nec facile patiuntur eos evolare ad querendum pabulum, sed ipsae discurrunt, & deferunt parentibus necessaria: *Ælian. I. 3. c. 23.* Ardentiori tamen adhuc amore & pietate parentum suorum tenetur Merops, quae non differt gratitudinem suam ad senium usque eorum, sed, quam primum volare discit, illam exercere incipit: *Ælian. L. II. c. 30.*
 Quod sane pulcherrimum est exemplum
 omni-

omnibus piis liberis commendatissimum,
 quos decet pio zelo parentibus benefa-
 cere, & neutquam gratitudinem suam
 in seros differre annos. Imo ejusmo-
 di pietatis affectu debent liberi paren-
 tes amplecti, non modo vivos, verum
 etiam post mortem, cadavera scilicet eo-
 rum curando honestè humo mandari:
 videntur id quodammodo observare Ele-
 phanti, qui nunquam sui generis mor-
 tuum quempiam, prætereunt, quin ter-
 ram, vel ramum, proboscide imponant
Aelian: L. s. c. 49. Apes etiam suorum mor-
 tuorum celebrare exequias asserit *Plinius,*
lib. II. c. 18. dicendo: *Multas apes, quando*
una defuncta est ejicienda, prodire in funus:
& extincto Rege totam plebem mærere ignava
dolore, non convehere cibos, sed tristi eantum
glomerari murmure circa corpus ejus. Si jam
 hoc fit inter bestiolas, quanto magis ho-
 minibus curæ esse debet, ut suorum pa-
 rentum & propinquorum cadavera, hu-
 mo rite & solenniter commendentur.
 Et ut post mortem nostri memores ha-
 bea-

beamus superstites, qui curam nostri
 gerant, amplectenda videtur Socia-
 litas, quam & inculcant uno nomine,
 omnes aves gregales, utpote Columbae,
 Grues, Sturni, Graculi & similes. Item
 Formicæ & Apes, quæ velut rempubli-
 cam quandam habent. Hac etiam vita-
 gaudent boves, quorum alter alterum in-
 quirit, & frequenti mugitu suum testatur
 desiderium, si non cito reperiatur socium.
 Horum aliorumq[ue] egregia exempla imitari
 debent Christiani, quærendo consortium
 piorum hominum & esse memores, quod
 pessimorum & sceleratorum fodalitia,
 ceu cane & angue pejora, sint fugienda.
 Et essent quidem perplurima ad no-
 bilem hanc materiam pertinentia in
 medium adhuc proferenda; verum insti-
 tuti nostri ratio, nec non ipsa temporis an-
 gustia illud ipsum prohibet ulterius per-
 sequi. Idcirco heic gradum sistimus, atq[ue]
 à Te candide Lector, qua par est, animi
 observantia, contendimus, ut hunc no-
 strum tenuitatis ingenii fœtum, tua
 æquitate fovere digneris.

Doctrina & moribus insigniter conspicue,
DN. JOHANNES RYDBOHM,
Amice probatissime.

Virtutis prodant si tot documenta animantes,
Quæis cognata Polo, Mens non in pectori
præsens;

Candida præcedit *Pietate Ciconia nobis,*
Ut pia quæ loboles humeris fert membra pa-
rentum,

Prästat & ore cibos, ac munera mutua reddit.
Sedulitate monet magni Formica laboris,
Hæc redit, itq; frequens solers, ut condat acervo
Ore trahit quodeunq; potest, & providabit imæ.
Jam nihili posthac somni socordia mater,
Et mentem vitiis nil contaminare nocivis,
Sanctius his animal mentisque capacius altæ,
Nivelit esse minus, virtute animantibus impar.
Exemplo vixisse juvat. Non, scire Tonantem,
Sufficiet tibi, sed sit tota mente colendus.
Singula quid referam? docet hæc Tua Suada ma-
nusque

Dexteritasq; satis, mi conjugatissime RYDBOHM.
Gratulor ingenium Te sic coluisse per artes,
Ut sis nunc doctæ non ultima gloria turbæ.
Vive DEO dignus porro, Te præmia justa
Ubere pro meritis cum fœnore læta manebunt.
Mente quam vena promtior ludebat

J. NEELMAN.
Ostr, Goth.